

Na osnovu člana 11. Zakon o privatizaciji preduzeća („Službene novine Federacije BiH“, br. 27/97, 8/99, 32/00, 45/00, 54/00, 61/01, 27/02, 33/02,28/04, 44/04 i 42/06), člana 12. Zakona o Agenciji za privatizaciju („Službene novine Federacije BiH“, br. 18/96 i 2/02) i važećim pravilima Sarajevske berze-burze vrijednosnih papira, Upravni odbor Agencije za privatizaciju u Federaciji BiH, na 26. sjednici održanoj 31. marta 2008. godine, donio je

**PRAVILNIK
O IZMJENAMA I DOPUNAMA PRAVILNIKA O POSTUPKU PRODAJE
DRŽAVNOG KAPITALA NA BERZI**

Član 1.

U Pravilniku o postupku prodaje državnog kapitala na berzi („Službene noine Federacije BiH“, br. 58/06, 32/07 i 6/08), član 2. mijenja se i glasi:

„Prodaja dionica na berzi je metod privatizacije državnog kapitala putem vanredne aukcije i redovnog trgovanja na berzi, a u skladu sa odredbama Zakona o privatizaciji preduzeća „Službene novine Federacije BiH“, br. 27/97, 8/99, 32/00, 45/00, 54/00, 61/01, 27/02, 33/02,28/04, 44/04 i 42/06), u daljem tekstu: Zakon o privatizaciji)“.

Član 2.

U članu 7. stav 2., tačka na kraju rečenice zamjenjuje se zarezom i dodaje tekst koji glasi: „odnosno korigovana početna cijena“

Član 3.

Iza člana 8., dodaje se novi član 8a., koji glasi:

„Član 8a.

„Početnu prodajnu cijenu jedne dionice iz člana 8., može jednokratno korigovati direktor nadležne agencije i to do + (plus), - (minus)10%, a Upravni odbor nadležne agencije preko 10%.

Korekcija početne prodajne cijene može biti izvršena u toku procesa predmetne prodaje do okončanja prodaje.

Korekciju početne prodajne cijene vrši direktor nadležne agencije u skladu sa planom prodaje dionica društva kojeg je odobrio upravni odbor nadležne agencije“.

Član 4.

Član 9, mijenja se i glasi:

„Nadležna Agencija za profesionalnog posrednika bira jednog od tri člana berze koji su ostvarili najveći promet u prethodna tri mjeseca, izuzimajući promet dionicama u državnom vlasništvu, a prema zvaničnim podacima Sarajevske berze-burze.

Osnov za odabir profesionalnog posrednika iz stava 1. ovog člana je najniža cijena posredničkih usluga za predmetnu prodaju koju profesionalni posrednici dostavljaju po pozivu nadležne agencije.

Ukoliko ponuđači ponude istu cijenu usluge, bit će odabran onaj ponuđač koji je ostvario veći promet u posljednja tri mjeseca.

Prema opredjeljenju nadležne agencije, drugorangirani i/ili trećerangirani ponuđač mogu biti profesionalni posrednici u predmetnoj prodaji ukoliko prihvate uslove prvorangiranog ponuđača.

U slučaju opredjeljenja nadležne agencije iz stava 4. ovog člana, prvorangiranom ponuđaču će se izdati prodajni nalog za prodaju najmanje 60% dionica predmetne prodaje, drugorangiranom 25% i trećerangiranom 15%, ukoliko prihvataju uslove prvorangiranog ponuđača. Ukoliko drugorangirani i/ili trećerangirani ne prihvataju uslove prodaje prvorangiranog, pripadajući procenati se daju prvorangiranom ponuđaču.

Nadležna agencija sa odabranim posrednicima zaključuje ugovor o obavljanju brokerskih poslova.

Prigovor na izbor profesionalnih posrednika može se podnijeti Upravnom odboru nadležne Agencije“.

Član 5.

Član 9a., se briše.

Član 6.

U članu 10. stav 1., riječi: „najmanje 15 dana prije datuma održavanja vanredne aukcije“, zamjenjuje se riječima:

„najmanje 7 dana prije termina određenog za prodaju dionica“.

Član 7.

U članu 12. stav 1. mijenja se i glasi:

„U slučaju nastavka ili obnove postupka predmetne prodaje vanrednom aukcijom, postupak može biti pokrenut u roku ne kraćem od 7 dana“.

Član 8.

Ovaj Pravilnik stupa na snagu narednog dana od dana objavljivanja u „Službenim novinama Federacije BiH“.